



Johannes Tyssebotn
Vestre Kleppsvegen 122
5283 FOTLANDSVÅG

Referanser:
Dykkar:
Vår: 16/2252 - 20/21810

Saksbehandlar:
Martin Ivar Henden
Martin-Ivar.Henden@osteroy.kommune.no

Dato:
21.12.2020

100/1 - Omgjering av vedtak frå 1994 om godkjenning av spreieareal for husdyrgjødsel på innmarksbeite.

Administrativt vedtak: Saknr: 494/20

Vedtak

«Med heimel i forvaltningslova § 35 første ledd bokstav a) omgjer Osterøy kommune Fylkesmannen i Hordaland sitt vedtak frå 05.12.1994 om godkjenning av innmarksbeite som spreieareal for husdyrgjødsel på gnr./bnr. 100/1-2.

Spreiearealet vert justert slik at netto areal vert oppretthalde. 3 daa av brutto innmarksbeite som er på 39 daa blir ikkje godkjend, sjå vedlagt kart. Grunngjeving framgår i saksutgreiinga.

Osterøy kommune godkjenner 3 daa innmarksbeite aust for driftsbygningen som ikkje var med i godkjenninga frå 1994. Netto spreieareal utgjer dette 0,75 daa om ein nyttar same omrekningsfaktor som i vedtaket frå 1994.

Saksutgreiing:

Osterøy kommune viser til Fylkesmannen si godkjenning i brev datert 05.12.1994 om godkjenning av innmarksbeite som spreieareal for husdyrgjødsel.

Osterøy kommune erstatta vedtaket frå 1994 med nytt vedtak 25.03.2020. med heimel i forskrift om gjødselvarer mv. av organisk opphav §24. Av vedtaket går det fram at du må levere ny søknad for å få godkjend innmarksbeite som spreieareal for husdyrgjødsel.

I vedtaket 25.03.2020 la kommunen til grunn omgjeriing i vedtaket frå Fylkesmannen 5. mai 2019 om trekk i produksjonstilskot. Her går det fram at vedtaket frå 1994 er gjeldande inntil kommunen gjer eit nytt vedtak som opphevar godkjenninga med heimel i forskrift om gjødselvarer mv. av organisk opphav.

Etter klage på kommunen sitt vedtak 25.03.2020. har du fått delvis medhald. Av konklusjonen i vedtaksbrevet frå Fylkesmannen datert 18.09.2020. går det fram at kommunen sitt vedtak av 25.03.2020 ikkje er gyldig. Vedtaket frå 1994 er framleis gjeldande og omgjeriing av dette vedtaket må gjerast med heimel i forvaltningslova § 35. Det er kommunen som må omgjere vedtaket.

Då det no føreligg nye opplysningar der det kjem fram at delar av innmarksbeite frå godkjenninga utgjer stor fare for forureining av naboen sitt drikkevatt finn Osterøy kommune det nødvendig å omgjere vedtaket frå 1994.

Fylkesmannen har i sitt vedtak gjort vurderingar av innmarksbeite som grensar mot gnr.100 bnr. 5. og kjem til at det ikkje er sannsynleggjort at forureining av boreholet til naboen i nord, gnr/bnr. 100/5 skuldast spreiiing av husdyrgjødsel på tilgrensande innmarksbeite til gnr/bnr. 100/1.

Fylkesmannen skriv vidare at det vil alltid vere ein viss fare for forureining ved gjødsling med husdyrgjødsel, og det skal sjølvstund ikkje føre til forureining av drikkevasskjelde, vassdrag eller på andre områder. Vert gjødsling gjort i tråd med krava i forskrift om organisk gjødsel jf. §§ 22, 23 og 24 og i tråd med ansvaret føretaket har til å vurdere klima, nedbør og vekst på spreiiingstidspunktet, er tiltak for å redusere faren for forureining å rekne som oppfylt for dette arealet og i tråd med formålsparagrafen i gjødselvarerforskrifta.

Fylkesmannen skriv vidare at dei har motteke rapport frå Vitek AS frå november 2019. Rapporten er bestilt av politiet og viser feil og manglar ved naboen sitt borehol for vatn og kloakkanlegg.

Rapporten er send direkte til Fylkesmannen frå klagar sin advokat etter at kommunen har handsama klage på vedtaket av 25.03.2020. og send klagen til Fylkesmannen datert 15.05.2020. Osterøy kommune var ikkje kjend med rapporten under handsaming av klagen. Vitek AS sin rapport viser manglar ved kloakk anlegg og septiktank på nabo eigedomen gnr.100. bnr.5.

Osterøy kommune er i ettertid blitt kjend med at det og føreligg og ein rapport frå NGU (Norsk Geologiske Undersøkelse) som konkludera med at basert på dei geologiske og topografiske tilhøva er det er stor sansynlegheit for at gylle som er spreidd på naboeigedomen er årsak til forureina vatn i borebrønnen til gnr.100.bnr.5.

Vurdering av omgjeriing av vedtaket frå 1994 med heimel i forvaltningslova § 35 første ledd a)

1. Kommunen si grunngjeving for omgjeriing av vedtak frå 1994

Som det går fram av forskrift om gjødselvarer mv. av organisk opphav § 24 kan kommunen etter søknad godkjenne innmarksbeite som spreieareal for husdyrgjødsel. Kommunen har i fleire brev til dykk informert om det og at føretaket må søkje om godkjenning av arealet dersom det skal nyttast til spreieing av husdyrgjødsel.

Slik kommunen har fått tilbakemelding om meiner du det ikkje er behov om å søkje om godkjenning for noko som allereie er godkjent og viser til vedtaket frå 1994.

Osterøy kommune er av den meining at delar av innmarksbeite frå denne godkjenninga ikkje er eigna for spreieing av husdyrgjødsel då det er til stor forureiningsfare for drikkevatn til nabobruket. Osterøy kommune grunngjev dette med at det ved fleire prøver av drikkevatnet på nabobruket syner e-colie i vatnet. Drikkevatnet er sannsynleggjort som årsak til alvorleg sjukdom og det er av helsemyndigheiter pålagt forbod mot å nytte vatnet til matlaging og dusjing. Det er ikkje synleggjort at her ikkje er fare for forureining av drikkevatn.

Rapport frå NGU sannsynleggjer og at gylling er årsak til det forureina vatnet.

Etter opplysningar som kommunen har fått frå eigedomen som er råka av forureininga er ikkje innmarksbeite på gnr.100. bnr.1. blitt nytta til spreieing av husdyrgjødsel før i 2016. Før denne tid var det ikkje problem med vasskvaliteten.

Osterøy kommune held desse opplysningane som sannsynlege då det ikkje var vegtilkomst til arealet før i 2016 og spreieing av arealet med gyllevogn var av den grunn ikkje mogleg.

Osterøy kommune viser til Fylkesmannen si godkjenning i brev datert 05.12.1994. om godkjenning av innmarksbeite som spreieareal for husdyrgjødsel. Av vedtaket frå Fylkesmannen datert 18.09.2020. går det fram at godkjenninga i 1994 var eit enkeltvedtak som gjeld inntil kommunen eventuelt fattar eit nytt vedtak som opphevar godkjenninga.

Eit slikt nytt vedtak kan ha sin bakgrunn i endra arealklassifisering eller til dømes ny kunnskap om fare for forureining. Omgjeriing av eit vedtak om løyve til spreieareal til ugunst for søkjaren må vere grunngitt, med heimel i forskrift om organisk gjødsel.

I veigleiaren til jordbruksforskriftene – husdyrgjødsel (SFT-publikasjon 1802/2001) blir det tilrådd at: «Dersom det viser seg at intensjonen i forskriften likevel ikke blir oppfylt ved gjødselspredning etter de retningslinjer som godkjenningen bygger på, bør godkjenningen tas opp til ny vurdering.»

Som kommunen tidlegare har skrive til dykk vil vi kunne godkjenne store delar av innmarksbeite dykkar. Det er arealet med avrenning mot boreholet til naboeigedomen som her er problematisk. Som synt på vedlagt kart utgjer dette arealet 3 daa som Osterøy kommune ikkje kan godkjenner som spreieareal for husdyrgjødsel.

Som det går fram av forskrift om gjødselvarer mv. av organisk opphav er ikkje innmarksbeite godkjent spreieareal for husdyrgjødsel. Kommunen kan likevel etter søknad godkjenne innmarksbeite. Dersom kommunen skal godkjenne slike areal er det gjerne med grunngjeving i at føretaket har for lite areal med fulldyrka og overflate dyrka jord som spreieareal for husdyrgjødsel.

2. Om vilkåra for omgjeriing er oppfylt

Fylkesmannen var mynde for desse sakene i 1994 medan kommunen er mynde i dag. Det er difor rett at det er kommunen som vurderer omgjeriing og ikkje Fylkesmannen. Kommunen har fått rettleiing frå Fylkesmannen. Som skildra ovanfor, er det gode grunnar for å omgjere vedtaket.


Kommunen vurderer at omgjeriinga ikkje er til skade for deg då det ikkje har medført endring av netto godkjent spreieareal frå godkjenninga i 1994.

For å unngå fare for forureining er areal markert med raudt i kart på 3 daa teke ut. Dette arealet er erstatta av godkjent spreieareal markert med grønt. Du vil altså ha like stort areal som før som spreieareal.

For å gjere disse vurderingane, har vi rekna ut behovet for spreieareal i vedlagte rekneark.

Kommunen har med bakgrunn i dykkar søknad om produksjonstilskot 01.03. og 01.10. 2020. rekna på behovet som føretaket dykkar har for å nytte innmarksbeite til spreiiing av husdyrgjødsel. Som vedlagt rekneark syner er det lagt til grunn eit brutto innmarksbeite areal på 24 daa på gnr.100. bnr.1. Dette arealet blir omrekna med ein faktor på 0,25 slik at netto spreieareal er 6 daa. Dette arealet er det same som vedtaket i 1994 for denne eigedomen.

Osterøy kommune har vurdert resten av innmarksbeite dykkar på gnr.100. bnr.1 og kjem til at dette kan godkjennast dersom gjødsling vert gjort i tråd med krava i forskrift om organisk gjødsel jf. §§ 22, 23 og 24 og i tråd med ansvaret føretaket har til å vurdere klima, nedbør og vekst på spreiiingstidspunktet.



Informasjon.

Av reknearket går det fram at føretaket dykkar har 18 daa for lite spreieareal til husdyrgjødsel etter oppgitt areal og dyretal. Osterøy kommune vil truleg kunne godkjenne meir av innmarksbeitet dykkar som spreieareal dersom vi mottek ein søknad. I utrekninga er ikkje leigd areal teke med då dette arealet har for lang transportavstand frå driftsbygningen din.

Klage.

Vedtaket er eit enkeltvedtak etter reglane i lov om offentleg forvaltning (fvl). Vedtaket kan klagast på jf. fvl. §§ 28-36. Klagefristen er 3 veker frå melding om vedtak er motteke. Det er nok at klagen er postlagt innan fristen går ut. Klagen skal sendast skriftleg til kommunen, men Fylkesmannen i Vestland er klageinstans. I klagen skal det gå fram kva det vert klaga på i vedtaket, og kva endringar ein ønskjer. Klagen skal grunngjevast. Før det kan reisast søksmål om vedtaket er gyldig eller krav om erstatning, må høve til å klage på vedtaket vere nytta fullt ut, jf. fvl. § 27b. Det er høve til å be om utsett iverksetjing, jf. forvaltningslova § 42, 1. ledd. Part har rett til å sjå dokumenta i saka, jf. forvaltningslova § 27, 3. ledd, jf. §§ 18 og 19.

Med helsing

Hege Eeg
einingsleiar

Martin Ivar Henden
fagkonsulent landbruk

Brevet er godkjent elektronisk og har derfor inga underskrift.

Vedlegg:

Kart. Rau farge syner areal som ikkje er godkjend som spreieareal.
Utrekning av beov for spreieareal.

Kopi til:

Aksel Kayser
Fylkesmannen i Vestland

Njøsavegen 2

6863

LEIKANGER

Mottakar:

Johannes Tyssebotn

Vestre
Kleppsvegen 122

5283

FOTLANDSVÅG